

# МОЛИТВОСЛОВ

на каждый день седмицы



Нике́йский свод

Сборник  
**Молитвослов на  
каждый день седмицы**

«Никея»

2018

УДК 248.143  
ББК 86.372

### **Сборник**

Молитвослов на каждый день седмицы / Сборник — «Никея»,  
2018 — (Никейский свод)

ISBN 978-5-91761-889-0

Молитвослов содержит утреннее и вечернее молитвенное правило, три канона и последование ко Святому Причащению, утреню и повечерие (из Часослова), каноны, читаемые на утрени и повечерии (из Октоиха), тропари и кондаки, пасхальные песнопения, помянник.

УДК 248.143  
ББК 86.372

ISBN 978-5-91761-889-0

© Сборник, 2018  
© Никея, 2018

## Содержание

Молитвы утренние	6
Молитвы на сон грядущим	12
Конец ознакомительного фрагмента.	16

# Молитвослов на каждый день седмицы

*Допущено к распространению Издательским советом Русской Православной Церкви ИС*  
Р18-807-0265



## Молитвы утренние

Восстав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси: Во имя Отца и Сына и Святаго Духа. Аминь.

*Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы без поспешности и со вниманием сердечным:*

### Молитва мытаря

Бóже, милостив буди мне грешному. (Поклон)

### Молитва предначинательная

Господи Иисусе Христе, Сыне Божий, моли́тв ради Пречистыя Твоея Матере и всех святых, помилуй нас. Аминь.

Слава Тебе́, Бо́же наш, слава Тебе́.

### Молитва Святому Духу

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди́ и всели́ся во ны, и очисти ны от всякия скверны, и спаси́, Блаже, души́ наша.

*[От Пасхи до Вознесения вместо этой молитвы читается тропарь:*

Христос воскрес из мертвых, смертию смерть поправ и сущим во гробех живот даровав. (Трижды)

*От Вознесения до Троицы начинаем молитвы со «Святый Бо́же...», опуская все предшествующие.*

*Это замечание относится и к молитвам на сон грядущим.]*

### Трисвятое

Святый Бо́же, Святый Кре́пкий, Святый Безсмертный, помилуй нас.

*(Читается трижды, с крестным знамением и поясным поклоном.)*

Слава Отцу́ и Сыну и Святому́ Духу, и ны́не и при́сно и во ве́ки веко́в. Аминь.

### Молитва ко Пресвятой Троице

Пресвятая Троице, помилуй нас; Господи, очисти грехи́ наша; Влады́ко, прости́ беззакония́ наша; Святы́й, посети́ и исцели́ немо́щи наша, и́мене Твоего́ ра́ди.

Господи, помилуй. (Трижды)

Слава Отцу́ и Сыну и Святому́ Духу, и ны́не и при́сно и во ве́ки веко́в. Аминь.

### Молитва Господня

Отче наш, Иже еси́ на Небесех!

Да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и остави́ нам до́лги наша́, я́коже и мы оставля́ем должнико́м нашим; и не введи́ нас во искуше́ние, но изба́ви нас от лука́ваго.

### Тропари Троичные

Воставше от сна, припадаем Ти, Блаже, и ангельскую песнь вопиём Ти, Сильне: Свят, Свят, Святеси, Боже, Богородицею помилуй нас.

*Слава Отцу и Сыну и Святому Духу.*

От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Свята́я Троице: Свят, Свят, Свят еси, Боже, Богородицею помилуй нас.

*И ныне и присно и во веки веков. Аминь.*

Внезапно Судия приидет, и коего́ждо дея́ния обнажа́тся, но стра́хом зове́м в полунощи: Свят, Свят, Свят еси, Боже, Богородицею помилуй нас.

Господи, помилуй. (12 раз)

### **Молитва ко Пресвятой Троице**

От сна встав, благодарю Тя, Свята́я Троице, яко мно́гия ра́ди Твоея́ бла́гости и долго-терпе́ния не прогне́вался еси́ на мя, ле́ниваго и грёшнаго, ниже́ погуби́л мя еси́ со беззако́нными моими́; но человеколю́бствовал еси́ обы́чно и в неча́янии лежа́щаго воздвигл мя еси́, во еже у́треневати и славосло́вити держа́ву Твою́. И ны́не просвети́ мои́ очи́ мы́сленныя, отве́рзи мои́ уста́ поуча́тися словесе́м Твои́м, и разуме́ти за́поведи Твоя́, и твори́ти во́лю Твою́, и пети́ Тя во испове́дании серде́чном, и воспева́ти всесвято́е и́мя Твое́, Отца́ и Сы́на и Свята́го Ду́ха, ны́не и присно и во ве́ки веко́в. Аминь.

Приидите, поклонимся Царя́ви нашему́ Бо́гу. (Поклон)

Приидите, поклонимся и припаде́м Христу́, Царя́ви нашему́ Бо́гу. (Поклон)

Приидите, поклонимся и припаде́м Самому́ Христу́, Царя́ви и Бо́гу нашему́. (Поклон)

### **Псалом 50**

Помилуй мя, Боже, по вели́цей ми́лости Твое́й, и по мно́жеству щедро́т Твоих очисти́ беззако́ние моё.

Наипа́че омы́й мя от беззако́ния моего́, и от греха́ моего́ очисти́ мя; яко́ беззако́ние моё аз зна́ю, и грех мой пре́до мно́ю есть ви́ну. Тебе́ еди́ному согреших и лука́вое пред Тобо́ю сотвори́х; яко́ да оправди́шися во словесе́х Твои́х, и победи́ши внегда́ суди́ти Ти. Се бо, в беззако́нных зача́т есмь, и во гресе́х роди́ мя ма́ти моя́. Се бо, и́стину возлюбил еси́; безве́стная и та́йная премудро́сти Твоея́ явил ми еси́. Окропи́ши мя иссо́пом, и очи́шуся; омыеши мя, и паче́ сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х и вся беззако́ния моя́ очисти́. Сердце́ чи́сто сози́ждиво мнё, Боже, и дух прав обнови́ во утро́бе моёй. Не отве́ржи мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззако́нныя путе́м Твои́м, и нечести́вии к Тебе́ обратя́тся. Изба́ви мя открове́й, Боже, Боже спасе́ния моего́; возра́дуется язы́к мой пра́вде Твое́й. Господи, устне́ мои́ отве́рзеши, и уста́ моя́ возвестя́т хвалу́ Твою́. Яко́ а́ще бы восхоте́л еси́ же́ртвы, дал бых у́бо: всесоже́ния не благово́лиши. Же́ртва Бо́гу дух сокруше́н; сердце́ сокруше́нно и смире́нно Бог не уничижи́т. Ублажи́, Господи, благово́лением Твои́м Сио́на, и да сози́ждутся сте́ны Иерусали́мския. Тогда́ благово́лиши же́ртву пра́вды, возноше́ние и всесожега́емая; тогда́ возложат на олта́рь Твой тельцы́.

### **Символ веры**

<sup>1</sup> Вѣрую во еди́наго Бо́га Отца́, Вседержи́теля, Творца́ Не́бу и земли́, ви́димым же всем и неви́димым. <sup>2</sup> И во еди́наго Господа́ Иису́са Христа́, Сы́на Бо́жия, Единоро́днаго, Иже от Отца́ рожде́ннаго пре́жде всех век; Све́та от Све́та, Бо́га и́стинна от Бо́га и́стинна, рожде́нна, несотворе́нна, единосу́щна Отцу́, Имже вся бы́ша. <sup>3</sup> Нас ра́ди челове́ки нашего́ ра́ди спасе́ния спше́дшагос небе́с и воплоти́вшагося от Ду́ха Свя́та и Мари́и Де́вы, и вочелове́чшася. <sup>4</sup> Рас-

пятаго же за ны при Понтийстем Пилате, и страдавша, и погребенна. <sup>5</sup> И воскресшаго в третий день по Писанием. <sup>6</sup> И возшедшаго на небеса, и седяща одесную Отца. <sup>7</sup> И паки грядущаго со славою судити живым и мертвым, Егоже Царствию не будет конца. <sup>8</sup> И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. <sup>9</sup> Во едину Святую, Соборную и Апостольскую Церковь. <sup>10</sup> Исповедую едино крещение во оставление грехов. <sup>11</sup> Чаю воскресения мертвых, <sup>12</sup> и жизни будущего века. Аминь.

#### **Молитва 1-я, святого Макария**

Великого Бже, очисти мя грешнаго, яконоколиже сотворих благое пред Тобю; но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца и Сына и Святаго Духа, ныне и присно и во веки веков. Аминь.

#### **Молитва 2-я, того же святого**

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащаго мя в лени ускорив возстави, и спаси мя в предстоянии и молитве, и посне ночью возсияй ми день безгрешен, Христэ Бже, и спаси мя.

#### **Молитва 3-я, того же святого**

К Тебе, Владыко Человеколюбче, от сна встав прибегаю, и на дела Твоя подвизаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно и во веки веков. Аминь.

#### **Молитва 4-я, того же святого**

Господи, Иже многую Твоею благодатию и великими щедротами Твоими дал еси мне, рабу Твоему, мимошедшее время ночи сей без напасти преити от всякаго зла противна; Ты Сам, Владыко, всяческих Творче, сподоби мя истинным Твоим светом просвещенным сердцем творити волю Твою, ныне и присно и во веки веков. Аминь.

#### **Молитва 5-я, св. Василия Великого**

Господи Вседержителю, Бже сили всякия плоти, в вышних живый и на смиренныя призирающий, сердца же и утробы испытующий и сокровенная человеков яве предведый, Безначальный и Присносущный Свете, у Него же несть пременение, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот держающе, от скверных к Тебе устен творим, и остави нам прегрешения наша, яже делом, и словом, и мыслию, ведением, или неведением согрешенная нами; и очистины от всякия скверны плоти и духа. И даруй нам бодренным сердцем и трезвеною мыслию всю настоящего жития ночь преити, ожидающим пришествия светлаго и явленного дне Единороднаго Твоего Сына, Господа и Бога и Спаса нашего Иисуса Христа, в онже со славою Судия всех придет, комуждо отдати по делу его; да не падше и обленившися, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих гласнепрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещающий и освящающий всяческая, и Ты поет вся тварь во веки веков. Аминь.



### **Молитва 6-я, того же святого**

Тя благословім, вы́шний Бо́же и Го́споди ми́лости, творя́щаго при́сно с на́ми вели́кая же и неизсле́дованная, сла́вная же и ужа́сная, ихже несть числа́, пода́вшего нам сон воупоко́ение немо́щи на́шей, и ослабле́ние трудо́в многотру́дных плóти. Благодарім Тя, я́ко не погуби́ле сї нас со беззакóнными на́шими, но человеколю́бствовал еси́ обы́чно, и в неча́янии лежа́щая ны воздвиглеси́, во е́же славослóвити держа́ву Твою́. Те́мже мо́лим безме́рную Твою́ бла́гость, просвети́ на́ша мы́сли, очеса́, и ум наш от тяжка́го сна ле́ности возста́ви: отве́рзи на́ша уста́, и испо́лни я Твоего́ хвале́ния, я́ко да возмо́жем непоколе́блемо пе́ти же и испове́даться Тебе́, во всех, и от всех сла́вимо́му Бо́гу, Безнача́льному Отцу́ со Единоро́дным Твои́м Сы́ном и Всесвяты́м и Благи́ми Животворя́щим Твои́м Ду́хом, ны́не и при́сно и во ве́ки веко́в. Ами́нь.

### **Молитва 7-я, ко Пресвятой Богородице**

Воспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путе́м Христо́вых за́поведей. Бде́ти к пе́сни укрепи́, уны́ния сон отгоня́ющи. Свя́зана плени́цами грехопале́ний, мольба́ми Твои́ми разреши́, Богоневе́сто. В но́щи мя и во дни сохра́най, борю́щих враг избавля́ющимя. Жизнода́теля Бо́га ро́ждшая, умерщвле́на мя страстьми́ оживи́. Я́же Свет не́вечерний ро́ждшая, ду́шу мою́ ослепшю́ю просвети́. О дивна́я Влады́чня пала́то, дом Ду́ха Божества́ менé сотвори́. Врача́ ро́ждшая, уврачу́й ду́ши моея́ многоле́тныя стра́сти. Волну́ющаяся житейско́ю бу́рею, ко стези́ мяпокая́ния напра́ви. Изба́ви мя огня́ ве́чнующаго, и че́рвия же зла́го, и та́рара. Да мя не яви́ши бесóм ра́дование, и́же мно́гим грехо́м повинника́. Но́ва сотвори́ мя, обетша́вшего нечу́вственными, Пренепоро́чная, согреше́нии. Стра́нна му́ки вся́кия покажи́ мя, и всех Влады́ку умоли́. Небе́сная ми улучи́ти весе́лия, совсе́ми святы́ми, сподоби́. Пресвята́я Де́во, услы́ши глас непотре́бнаго раба́ Твоего́. Стру́ю дава́й мне слеза́м, Пречи́стая, ду́ши моея́ скве́рну очища́ющи. Стена́ния от се́рдца приношу́ Ти непреста́нно, усердствуй, Влады́чице. Моле́бную службу́ мою́ приими́, и Бо́гу благоутро́бному принеси́. Превы́шшая Ангел, мирска́го мя превы́шша слі́тия сотвори́. Светоно́сная Се́не небе́сная, духо́вную благода́ть во мне напра́ви. Ру́це возде́ю и устне́ к похвале́нию, оскверне́ны скве́рною, Всенепоро́чная. Душетле́нных мя па́костей изба́ви, Христа́ приле́жно умоля́ющи; Ему́же че́сть и поклоне́ние подоба́ет, ны́не и при́сно и во ве́ки веко́в. Ами́нь.

### **Молитва 8-я, ко Господу нашему Иисусу Христу**

Многоми́лостиве и Всеми́лостиве Бо́же мой, Го́споди Иису́се Христé, мно́гия ра́ди любве́ сшел и воплоти́лся еси́, я́ко да спасе́ши всех. И па́ки, Спа́се, спаси́ мя по благода́ти, молю́ Тя; а́ще бо от дел спасе́ши мя, несть се благода́ть и дар, но долг па́че. Ей, мно́гий в щедро́тах неизрече́нный в ми́лости! Ве́руй бо в Мя, рекл еси́, о Христé мой, жив бу́дет и не у́зрит сме́рти во ве́ки. Аще у́бо ве́ра, я́же в Тя, спаса́ет отча́янных, се ве́рую, спаси́ мя, я́ко Бог мой еси́ Ты и Созда́тель. Ве́раже вме́сто дел да вмени́тся мне, Бо́же мой, не обря́щеши бо дел отню́д оправда́ющих мя. Но та ве́ра моя́ да довле́ет вме́сто всех, та́ да отве́щает, та́ да оправди́т мя, та́ да пока́жетмя прича́стника сла́вы Твоея́ ве́чныя. Да не у́бо похи́тит мя сатана́, и похва́лится, Сло́ве, е́же отбо́ргнути мя от Твоея́ руки́ и огра́ды; ноили́ хочу́, спаси́ мя, или́ не хочу́, Христé Спа́се мой, предвари́ ско́ро, ско́ро, погибóх: Ты бо еси́ Бог мойот чре́ва ма́тере моея́. Сподоби́ мя, Го́споди, ны́не возлю́бити Тя, я́коже возлю́бїх иногда́ той са́мый грех; и па́ки порабо́тати Тебе́ без ле́ности то́щно, я́коже порабо́тах пре́жде сатанé льстиво́му. Наипа́че же порабо́таю Тебе́, Го́споду и Бо́гу моему́ Иису́су Христу́, во вся дни живота́ моего́, ны́не и при́сно и вове́ки веко́в. Ами́нь.

### **Молитва 9-я, к Ангелу хранителю**

Святѣй Ангеле, предстоѣй окаянной моеѣ души и страстной моеѣ жи́зни, не оста́ви мене́ грѣшнаго, ниже́ отступи́ от мене́ за невоздержаніе мое́. Не даждь мѣста лукавому дѣмону обла́дати мно́ю, насильством смѣртнаго сего́ телесе́; укрепи́ бѣдствующую и худую́ мою́ ру́ку и наста́ви мя на путь спасенія. Ей, святѣй Ангеле Бо́жий, хранителю́ и покровителю́ окаянныя моея́ души и тѣла, вся мне прости́, ели́кими тя оскорби́х во вся дни живота́ моего́, и а́ще что согрешихъ в прешѣдшую но́щь сию́, покрѣй мя в настоя́щий день, и сохрани́ мя от всякаго иску́шения противнаго, да ни в ко́ем гресе́ прогнѣваю́ Бо́га, и моли́ся за мя ко Го́споду, даутверди́т мя в стра́се Своѣм, и досто́йна пока́жет мя раба́ Своея́ бла́гости. Ами́нь.

### **Молитва 10-я, ко Пресвятой Богородице**

Пресвята́я Влады́чице моя́ Богоро́дице, святы́ми Твои́ми и все́ильными мо́льба́ми отжени́ от мене́, смиреннаго и окаяннаго раба́ Твоего́, уны́ние, забвѣние, неразу́мие, нераде́ние, и вся скве́рная, лука́вая и ху́льная помышле́ния от окаяннаго моего́ се́рдца и от помраче́ннаго ума́ моего́; и погаси́ пла́мень страсте́й моихъ, я́ко нищ есмь и ока́янен. И изба́ви мя от мно́гих и лю́бых воспомина́ний и предприя́тий, и от всехъ де́йств злыхъ свободи́ мя. Я́ко благослове́нна еси́ от всехъ ро́дов, и сла́вится пречестно́е и́мя Твое́ во ве́ки веко́в. Ами́нь.

### **Молитвенное призывание святого, имя которого носишь**

Моли́ Бо́га о мне, святѣй уго́д ни́ че Бо́жий (и́мя), я́ко азъ усер́дно к тебѣ прибегаю́, ско́рому помо́щнику и моли́твеннику о душе́ моеѣ.

### **Песнь Пресвятой Богородице**

Богоро́дице Де́во, ра́дуйся, Благода́тная Мари́е, Госпо́дь с Тобо́ю; благослове́нна Ты в же́нахъ и благослове́н пло́д чре́ва Твоего́, я́ко Спа́са родила́ еси́ душъ на́шихъ.

### **Тропарь Кресту и молитва за Отечество**

Спаси́, Го́споди, лю́ди Твоя́, и благослови́ достоя́ние Твое́, победы́ правосла́внымъ христи́аномъ на сопроти́вныя да́руя, и Твое́ сохраня́я Кресто́мъ Твои́мъ жи́тельство.

### **Молитва о живых**

Спаси́, Го́споди, и поми́луй отца́ моего́ духо́внаго (и́мя), роди́телей моихъ (и́мена), сродни́ков (и́мена), нача́льников, наста́вников, благоде́телей (и́мена ихъ) и всехъ правосла́вныхъ христи́ан.

### **Молитва о усопших**

Упокой, Го́споди, ду́ши усо́пшихъ рабъ Твои́хъ: роди́телей моихъ, сродни́ков, благоде́телей (и́мена ихъ) и всехъ правосла́вныхъ христи́ан, и прости́ имъ вся согре́шения во́льная и нево́льная, и да́руй имъ Ца́рствие Небе́сное.

### **Окончание молитв**

Досто́йно е́сть я́ко вои́стину блажи́ти Тя Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без истле́ния Бо́га Сло́варо́ждшую, су́щую Богоро́дицу Тя велича́ем.

*[От Пасхи до Вознесения вместо этой молитвы читается припев и ирмос 9-й песни пасхального канона:]*

Ангелъ вопия́ше Благода́тней: Чи́стая Де́во, ра́дуйся! И па́ки реку́: ра́дуйся! Твой Сынъ воскресе́ три дне́вен от гроба́ и ме́ртвыя воздви́гнувый; лю́дие, весели́тесь!

Свети́ся, свети́ся, но́вый Иерусали́ме, сла́ва бо Госпо́дня на тебѣ возсия́. Ликуй ны́не и весели́ся, Сио́не. Ты же, Чи́стая, красуй́ся, Богоро́дице, о воста́нии Рожде́ства Твоего́.

*Это замечание относится и к молитвам на сон грядущим.]*

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Го́споди, поми́луй. (*Трижды*)

Го́споди Иису́се Христе́, Сы́не Бо́жий, моли́тв ра́ди Пречи́стыя Твоея́ Ма́тере, преподо́бных и богоно́сных оте́ц на́ших и всех святы́х поми́луй нас. Ами́нь.

## Молитвы на сон грядущим

Во имя Отца и Сына и Святаго Духа. Аминь.

### Молитва предначинательная

Господи Иисусе Христе, Сыне Божий, моли́тв ради Пречистыя Твоея Матере, преподобных и богоносных отец наших и всех святых, помилуй нас. Аминь.

Слава Тебе, Боже наш, слава Тебе.

### Молитва Святому Духу

Царю Небесный, Утешителю, Душе истины, иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

### Трисвятое

Святой Боже, Святой Крепкий, Святой Безсмертный, помилуй нас. (*Трижды*)

Слава Отцу и Сыну и Святому Духу, и ныне и присно и во веки веков. Аминь.

### Молитва ко Пресвятой Троице

Пресвятая Троице, помилуй нас; Господи, очисти грехи наша, Владыко, прости беззакония наша; Святой, посети и исцели немощи наша, имене Твоего ради.

Господи, помилуй. (*Трижды*) Слава Отцу и Сыну и Святому Духу, и ныне и присно и во веки веков. Аминь.

### Молитва Господня

Отче наш, Иже еси на Небесех! Да святится имя Твое, да приидет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

### Тропари

Помилуй нас, Господи, помилуй нас; всякаго бо ответа недоумееюще, сию Ти молитву яко Владыце грешнии приносим: помилуй нас.

*Слава Отцу и Сыну и Святому Духу.*

Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

*И ныне и присно и во веки веков. Аминь.*

Милосердия двери отверзи нам, благословенная Богородице, надеющиеся на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй. (*12 раз*)

### Молитва 1-я, святого Макария Великого, к Богу Отцу

Боже вечный и Царю всякаго создания, подобивый мя даже в час сей dospeti, прости ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в ночи сей сон прейти в мире, да востав от смиренного ми ложа, благоугожду пресвятому имени Твоему, во вся дни живота моего, и поперу борющих мя враги плотския и безплотныя. И избави мя, Господи, от

помышлений суетных, оскверняющих мя, и похотей лукавых. Яко Твое есть Царство и сила и слава, Отца и Сына и Святаго Духа, ныне и присно и во веки веков. Аминь.

### **Молитва 2-я, святого Антиоха, ко Господу нашему Иисусу Христу**

Вседержителю, Слово Отчее, Сам совершен сый, Иисусе Христе, многого ради милосердия Твоего никогдаже отлучайся мене, раба Твоего, но всегда во мне почивай. Иисусе, добрый Пастырю Твоиховец, не предаждь мене крамолѣ змиине, и желанию сатанину не остави мене, яко семя тли во мне есть. Ты убо, Господи Бже покланяемый, Царю Святыи, Иисусе Христе, спяща мя сохрани немерцающим светом, Духом Твоим Святым, Имже освятил еси Твою ученики. Дажь, Господи, и мне, недостойному рабу Твоему, спасение Твое наложи моим: просвети ум мой светом разума святаго Евангелия Твоего, душу любовью Креста Твоего, сердце чистотою словес Твоего, тело мое Твоею страстию безстрастною, мысль мою Твоим смирением сохрани, и воздвигни мя во время подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

### **Молитва 3-я, ко Пресвятому Духу**

Господи, Царю Небесный, Утешителю, Душе истины, умилосердися помилуй мя грешного раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, вольнымоя грехи и невольныя, ведомыя и неведомыя: яже от юности и от науки злы, и яже суть от наглства и уныния. Аще именем Твоим кляхся, или похулих е в помышлении моем; или кого укорих; или оклеветал кого гневом моим, или опечалих, или о чем прогневахся; или солгал, или безгодно спал, или нищ прииде ко мне, и презрех его; или брата моего опечалих, или свадих, или кого осудих; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или развращение помыслих; или объядохся, или опихся, или без ума смеяхся; или лукавое помыслих, или доброту чуждую видев, и тою уязвлен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве нерадих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойного раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окайнный аз, и поклонюся, и воспою, и прославлю пречестное имя Твое со Отцами Единородным Его Сыном, ныне и присно и во веки. Аминь.

### **Молитва 4-я, святого Макария Великого**

Что Ты принесу или что Ты воздам, великодаровитый Безсмертный Царю, щедре и человеколюбче Господи, яко ленящаяся мене на Твое угодение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякого дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимого сего жития. Прости моя согрешения, единое Безгрешное, яже Ти согреших в сей день, ведением, словом, и делом, и помышлением, и всеми моими чувствами. Ты Сам, покрывая, сохрани мя от всякого сопротивного обстояния Божественною Твоею властью, и неизреченным человеколюбием, и силою. Очисти, Бже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И послй ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственные мольбы. Ей, Господи, услышима грешного и убогаго раба Твоего, изволением и совестью;

даруй мивоста́вшу словесѣм Твоим поучи́тися, и уны́ние бесѡвское далѣче от мене́ отгна́но бы́ти сотвори́ Твоими Ангелы; да благословлю́ имя Твое́ свято́е, и просла́влю, и сла́влю Пре-  
чи́стую Богоро́дицу Мари́ю, Юже дал еси́ нам грѣшным заступлѣние, и приими́ Сию моля́щу-  
юся за ны; вем бо, яко подража́ет Твое́ человеколю́бие, и моля́щихся не преста́ет. То́я заступ-  
лѣнием, и Честна́го Креста́ зна́мением, и всех святы́х Твои́х ра́ди, убо́гую ду́шу мою́ соблюди́,  
Иисусе́ Христѣ́ Бо́же наш, яко́ Свят еси́, и препросла́влен во ве́ки. Ами́нь.

#### **Молитва 5-я**

Го́споди Бо́же наш, е́же согреши́х во дни сем сло́вом, де́лом и помышлѣнием, яко́ Благ и  
Човеколю́бец прости́ ми. Ми́рен сон и безмяте́жен даруй ми. Ангела Твоего́ хранителя́ послѣ,  
покрыва́юща и соблюда́юща мя от вся́каго зла, яко́ Ты еси́ храните́ль душамъ и телесѣмъ на́шим,  
и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в. Ами́нь.

#### **Молитва 6-я**

Го́споди Бо́же наш, в Него́же ве́ровахом, и Его́же имя́ па́че вся́кагои́мене призыва́ем,  
даждь нам, косну́ отходя́щим, осла́бу души́ и те́лу, и соблюди́ нас от вся́каго мечта́ния, и тем-  
ны́я сла́сти кро́ме; уста́ви стремлѣние страсте́й, угаси́ разжже́ния воста́ния телесна́го. Дажь  
нам целому́дренне пожити́ де́лы и словесы́; да добродѣ́тельное жи́тельство восприе́млюще, обе-  
това́нных не отпаде́м благи́х Твои́х, яко́ благослове́н еси́ во ве́ки. Ами́нь.

#### **Молитва 7-я, святого Иоанна Златоуста**

*(24 молитвы, по числу часов дня и ночи)*

<sup>1</sup> Го́споди, не лиши́ мене́ небесных Твои́х благ.<sup>2</sup> Го́споди, изба́ви мя вѣчных мук.<sup>3</sup> Го́с-  
поди, умо́м ли или́ помышлѣнием, сло́вом или́ де́лом согреши́х, прости́ мя.<sup>4</sup> Го́споди, изба́ви  
меня́ вся́каго неведе́ния и забвѣ́ния, и малоду́шия, и окамене́ннаго нечу́ствия.<sup>5</sup> Го́споди, изба́ви  
меня́ от вся́каго искуше́ния.<sup>6</sup> Го́споди, просвети́ моѣ́ се́рдце, е́же помрачи́ лука́вое похотѣ́ние.<sup>7</sup>  
Го́споди, азъ яко́ человекъ согреши́х, Ты́ же, яко́ Бог щедр, поми́луй мя, ви́дя немо́щъ души́  
мое́я.<sup>8</sup> Го́споди, послѣ́ благода́ть Твою́ в по́мощь мне, да просла́влю имя́ Твое́ свято́е.<sup>9</sup> Го́споди  
Иисусе́ Христѣ́, напиши́ мя раба́ Твоего́ в кни́зе живото́ней и даруй ми конѣ́ц благи́й.<sup>10</sup> Го́споди  
Бо́же мой, а́ще и ничто́же бла́го сотвори́х предъ Тобо́ю, но даждь ми по благода́ти Твое́й поло-  
жити́ нача́ло благо́е.<sup>11</sup> Го́споди, окропи́ в се́рдце моёмъ ро́су благода́ти Твое́я.<sup>12</sup> Го́споди небесе́  
и земли́, помяни́ мя грѣшна́го раба́ Твоего́, студи́наго и нечи́стаго, во Ца́рствии Твое́м. Ами́нь.

<sup>1</sup> Го́споди, в покая́нии приими́ мя.<sup>2</sup> Го́споди, не оста́ви мене́.<sup>3</sup> Го́споди, не введи́ мене́  
в напа́сть.<sup>4</sup> Го́споди, даждь ми мысль́ бла́гу.<sup>5</sup> Го́споди, даждь ми слѣ́зы, и па́мьть смѣ́ртную,  
и умилѣ́ние.<sup>6</sup> Го́споди, даждь ми по́мысл испове́дания грехо́в мои́х.<sup>7</sup> Го́споди, даждь ми сми-  
ре́ние, целому́дрие и послуша́ние.<sup>8</sup> Го́споди, даждь ми терпе́ние, великоду́шие и кро́тость.<sup>9</sup>  
Го́споди, всели́ в мя ко́рень благи́х, страхъ Твой в се́рдце моѣ́.<sup>10</sup> Го́споди, сподоби́ мя любя́ти  
Тя́от все́я души́ мое́я и помышлѣ́ния и твори́ти во всемъ во́лю Твою́.<sup>11</sup> Го́споди, покрый́ мя от  
челове́к не́которых, и бесѡв, и страсте́й, и от вся́кия ины́я неподѡ́бныя ве́щи.<sup>12</sup> Го́споди, ве́си,  
яко́ твори́ши, яко́же Ты во́лиши, да бу́дет во́ля Твоя́ и во мне грѣ́шнем, яко́ благослове́н еси́  
во ве́ки. Ами́нь.

#### **Молитва 8-я, ко Господу нашему Иисусу Христу**

Го́споди Иисусе́ Христѣ́, Сы́не Бо́жий, ра́ди честне́йшия Ма́тере Твое́я, и безплѣ́тных  
Твои́х Ангел, Проро́ка же и Предте́чи и Крестите́ля Твоего́, богогла́голивыхъ же апо́стол, све́т-  
лыхъ и добропобе́дныхъ му́ченик, преподо́бныхъ и богонѡ́сныхъ оте́ц, и всехъ святы́хъ моли́твами,

избáви мя настоящаго обстоянiя бесóвскаго. Ей, Гóсподи мои Творче, не хотяй смёрти грёшнаго, но я́коже обрати́тся и живу́ бы́ти ему́, даждь и мне обращё́ние ока́янному и недостóйному; изми́ мя от уст па́губнаго зми́я, зия́ющаго пожре́ти мя и свести́ во ад жи́ва. Ей, Гóсподи мой, утешéние моё, Иже мене́ ра́ди ока́яннаго в тлénную плоть оболкíйся, истóргни мя от ока́янства, и утешéние пода́ждь ду́ши моёй ока́йней. Всади́ в се́рдце моё твори́ти Твоя́ повелéния, и оста́вити лука́вая де́яния, и получи́ти блаже́нства Твоя́: на Тя́ бо, Гóсподи, упова́х, спаси́ мя.

#### **Молитва 9-я, ко Пресвятой Богородице, святого Петра Студийского**

К Тебе́ Пречи́стей Бóжией Ма́тери аз ока́янный припа́дая молю́ся: ве́си, Цари́це, я́ко безпреста́ни согреша́ю и прогне́вляю Сы́на Твое́го и Бо́га моего́, и мно́гажды а́ще ка́юся, лож пред Бо́гом обрета́юся, и ка́юся трепéща: не ужéли Гóсподь порази́т мя, и по часé па́ки та́яжде творю́; ве́дущи сия́, Влады́чице моя́ Госпоже́ Богоро́дице, молю́, да поми́луеши, да укрепи́ши, и благода́я твори́ти да пода́си ми. Ве́си бо, Влады́чице моя́ Богоро́дице, я́ко отню́д íмам в не́нависти зла́я моя́ дела́, и все́ю мы́слию люблю́ зако́н Бо́га моего́; но не вем, Госпоже́ Пречи́стая, отку́ду я́же ненави́жду, та и люблю́, а благода́я преступа́ю. Не попу́щай, Пречи́стая, во́ли моёй соверша́тися, не уго́дна бо е́сть, но да бу́дет во́ля Сы́на Твое́го и Бо́га моего́: да мя спасе́т, и вразуми́т, и пода́ст благода́ть Свята́го Ду́ха, да бых аз отсе́ле престáл скверноде́йства, и прóчее пожи́л бых в повелéнии Сы́на Твое́го, Емуже́ подоба́ет вся́кая сла́ва, честь и держа́ва, со Безнача́льным Его́ Отце́м и Пресвяты́м и Благо́м и Животворя́щим Его́ Ду́хом, ны́не и при́сно и во ве́ки веко́в. Ами́нь.

#### **Молитва 10-я, ко Пресвятой Богородице**

Благо́го Царя́ благода́я Ма́ти, Пречи́стая и Благослове́нная Богоро́дице Мари́е, ми́лость Сы́на Твое́го и Бо́га на́шего изле́й на стра́стную мою́ ду́шу и Твои́ми моли́твами наста́ви мя на де́яния благода́я, да прóчее вре́мя живота́ моего́ без поро́ка преи́ду и Тобо́ю рай да обря́щу, Богоро́дице Де́во, еди́на Чи́стая и Благослове́нная.

#### **Молитва 11-я, ко святому Ангелу хранителю**

Ангеле́ Христо́в, храни́телю мой святы́й и покрови́телю ду́ши и те́ла моего́, вся ми про́сти, ели́ка согрешíх во днéшний день, и от вся́каго лука́вствия противна́го ми врага́ избáви мя, да ни в ко́емже гресé прогне́ваю Бо́га моего́; но моли́ за мя грёшнаго и недостóйнаго раба́, я́ко да досто́йна мя пока́жеша бла́гости и ми́лости Всесвяты́я Трои́цы и Ма́тере Гóспода моего́ Иису́са Христа́ и всех святы́х. Ами́нь.

#### **Кондак Богородице**

Взбра́нной Воево́де победите́льная, я́ко избáвляшеся от злых, благода́рственная воспи́сuem Ти раби́ Твой, Богоро́дице, но я́ко иму́щая держа́ву непобеди́мую, от вся́ких нас бед свободи́, да зове́м Ти: ра́дуйся, Невéсто Нене́вeстная.

## **Конец ознакомительного фрагмента.**

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.